

## **NOROGGA GIRJERÁDJOSEARVVI NJUOLGGADUSAT**

Riikačoahkkin mearridan Budejjus miessemánu 10.b. 1980.

Ođasmahtton geassemánu 5.b. 1982, miessemánu 26.b. 1984, miessemánu 30.b. 1986, čakčamánu 24.b. 1988, njukčamánu 24.b. 1990, cuoŋománu 4.b. 1992, geassemánu 4.b. 1994, njukčamánu 23.b. 1996, cuoŋománu 25.b. 1998, cuoŋománu 8.b. 2000, čakčamánu 7.b. 2002, njukčamánu 22.b. 2006, njukčamánu 16.b. 2010, njukčamánu 9.b. 2016, miessemánu 26.b. 2020 ja cuoŋománu 17.b. 2024.

### **§ 1. Ulbmil**

Norgga girjerádjosearvi lea girjerájuid ja girjerádjoberošteddjiid beroštupmeorganisašuvdna. Mii oaivvildat ahte girjerájuide beassan ja dieđuid oažžun lea olmmošvuoigatvuohta ja cealkinfriddjavuođa ja demokratiija eaktu.

Min ulbmil lea nannet ja ovdánahttit girjerájuid posišuvnna servodagas, ja ovddidit girjerájuid beroštumiid almmolaš eiseválddiide ja oppalaččat servodahkii.

### **§ 1a Namma**

Searvvi nama sáhtta heivehit buot gustovaš čállinvuohká i guđege almmolaš gillii Norggas.

### **§ 2. Doaibma**

Searvvi fitnodatdoaibma galgá leat mielde ruhtadeamen searvvi kommersiálahis ulbmiliid. Ii oktage searvvi miellahtuin sáhte váldit olggos oasi badjebáhčagis ii ge váldit badjelajas searvvi aktivaidd.

### **§ 3. Miellahttovuohta**

Norgga girjerádjosearvi miellahtut leat áhahusat ja ovttaskasolbmot geat dorjot ulbmila. Persovnnalaš miellahtut organisašuvnnain mat kollektiivvalaččat leat mielde searvvis, leat miellahtut seamma láchkai.

### **§ 4. Jienastanvuoigatvuohta**

Buot miellahtuin, geat leat máksán miellahttomávssu dán jagi, ja geat leat leamaš miellahtun unnimustá 3 jagi, lea jienastanvuoigatvuohta. Sus, gii galgá jienastit áhahusa ovddas, muhto ii leat áhahusa jođiheaddjin, galgá leat čálalaš fápmudus. Juohke miellahtus lea okta jietna, muhto ii sáhte jienastit jus lea dieđihan jávkama.

### **§ 5. Organisašuvdna**

Searvvis leat regionála searvvit. Buot miellahtut leat automáhtalaččat miellahtun regionála searvvis. Juohke searvvis galgá leat stivra mas leat 3 miellahtu. Stivrras berrejit leat ovddasteaddjit iešguđet girjerádjošlájain. Váldostivra sáhtta mearridit ahte fylkkas sáhttet leat mánga regionála searvvi, ja ahte regionála searvi sáhtta gokčat mánga fylkka.

Sáhttet áhahuvvot fágajoavkkut dihto beroštupmesurggiid miellahtuid várás. Váldostivra mearrida fágajoavkkuid ásaheami ja heaitiheami ja raportere riikačoahkkimii.

### **§ 6. Riikačoahkkin**

Riikačoahkkin lea searvvi bajimuš eiseváldi. Dat dollojuvvo juohke nuppi jagi dan áiggis ja báikkis maid váldostivra mearrida. Gohččun riikačoahkkimii ja evttohusat áššelistui sáddejuvvojit miellahtuide unnimustá 3 mánu ovdal čoahkkima. Evttohusat njuolggadusrievdadusaide dahje eará áššiide maid miellahtut háliidit mielde áššelistui, galget sáddejuvvot váldostivrii unnimustá 2 mánu ovdal riikačoahkkima. Áššit mat galget meannuduvvot riikačoahkkimis, galget sáddejuvvot miellahtuide manjimustá 4 vahku ovdal čoahkkima.

Riikačoahkkin galgá:

1. Meannudit jahkediđáhusa ja reviderejuvvon rehketdoalu.

2. Meannudit rámmabušeahттаevttohusa ja doaibmaplánaevttohusa boahttevaš 2-jagiáigodahkii, ja 2 prinsihppaprográmma.
3. Mearridit miellahttomávssu.
4. Mearridit jođiheadđji bargobuhtadusa rámmaid.
5. Válljet
  - a) NBF jođiheadđji
  - b) 3 váldostivramiellahtu
  - c) 5 várrelahtu numeraláš vuoru mielde
  - d) nubbijjođiheadđji. Nubbijjođiheadđji välljejuvvo váldostivrra 6 miellahtu gaskkas
  - e) dárkkistanlávdegotti jođiheadđji
  - f) dárkkistanlávdegotti miellahtuid
  - g) válgalávdegotti

Bušeahтта- ja doaibmaplánaáigodat galgá čuovvut rehketoallogajiid. Váldostivrras lea fápmudus revideret bušeahhtaid. Dán jagi reviderejuvvon bušeahтта biddjo ovdan diehtun.

Jus njuolggadusain ii boađe ovdan eará, de buot mearrádusat mearriduvvojit dábálaš eanetloguin. Jus okta miellahttu dan gáibida, de válggat galgat dáhpáhuvvat čálalaččat.

#### **§ 7. Erenoamášriikačoahkkin**

Gohččojuvvo erenoamášriikačoahkkimii jus váldostivra oaivvilda dan bákkolažžan, dahje jus unnimus 10 % miellahtuin gáibidit dan.

#### **§ 8. Stivra**

Váldostivra lea searvvi bajimuš eiseváldi riikačoahkkimiid gaskkas, ja das leat 7 miellahtu maid riikačoahkkin vällje.

Jođiheadđji välljejuvvo 2 jahkái hávássii ja buhtaduvvo gitta 100 % virgin. Jođiheadđji välljejuvvo sierra válggain.

Nubbijjođiheadđji bargun välljejuvvo váldostivramiellahttu 2 jagi hávássii.

Eará stivralahtut välljejuvvojit 4 jagi hávássii, ja nu ahte bealli galget välljejuvot juohke riikačoahkkimis. 5 várrelahtu numeraláš vuorus välljejuvvojit 2 jagi hávássii.

Váldostivrras galget leat ovddasteaddjit girjerádjosuorggi iešguđet osiin, maddái geavaheadđjiberoštumiin.

Jus váldostivra atná dan jierpmálažžan, de sáhtá ásahit bargolávdegotti.

Váldostivra sáhtá ásahit lávdegottiid dárbbu mielde.

Váldostivra lea mearridanfámolaš go unnimus 4 miellahtu leat čoahkkimis, ja go jođiheadđji dahje nubbijjođiheadđji, jus jođiheadđji lea eret, lea okta dain miellahtuin. Buot áššit mearriduvvojit dábálaš eanetloguin. Jus leat ovttá olu jienat, de jođiheadđji jietna mearrida. Jus okta stivralahttu jápmá/heaitá riikačoahkkináigodaga áigge, de várrelahttu váldá su saji ja lasihanválggat leat boahtte riikačoahkkimis.

### **§ 9. Čállingoddi**

Váldostivra virgáda váldočálli ja eará bargiid. Váldočállis lea ovddasvástádus čállingotti beaivválaš jođiheamis daid bagadusaid ja njuolggadusaid mielde maid váldostivra lea mearridan. Váldočállis lea hállan- ja evttohanvuoigatvuohta stivračoahkkimiin ja riikačoahkkimis.

### **§ 10. Miellahttomáksu**

Riikačoahkkin mearrida miellahttomávssu váldostivrra árvalusa vuodul.

### **§ 11. Rehketdoallu**

Rehketdoallu loahpahuvvo juovlamánu 31.b. juohke jagi. Stáhtadohkkehuvvon revisora galgá dohkkehit rehketdoalu. Riikačoahkkin vällje revisora.

### **§ 12. Dárkkistanlávdegoddi**

Riikačoahkkin vällje dárkkistanlávdegotti mas leat 4 miellahtu ja okta várrelahttu. Jođiheaddji välljejuvvo sierra válggain. Riikačoahkkin bargá riikačoahkkima mearridan njuolggadusaid mielde.

### **§ 13. Válgalávdegoddi**

Riikačoahkkin vällje válgalávdegotti mas leat 1 jođiheaddji, 4 miellahtu ja 1 várrelahttu, váldostivrra evttohusa mielde. Válgalávdegoddi bargá riikačoahkkima mearridan njuolggadusaid mielde.

### **§ 14. Njuolggadusrievdadusat**

Riikačoahkkin sáhhtá rievdadit dáid njuolggadusaid 2/3 eanetloguin. Njuolggadusrievdadusevttohusat mat eai čuoččo riikačoahkkima gohččumis, eai sáhte meannuduvvot. Jus 1/3 oassi jienastanvuoigatvuođalaččain searvvis gáibidit dan, de galgá njuolggadusrievdadusevttohusaid mearridit miellahttojenastemiin. Dábálaš eanetlohku lea dalle doarváí dainna eavttuin ahte unnimus 50 % jienastanvuoigatvuođalaččain leat jienastan.

### **§ 15. Searvvi loahpaheapmi**

Searvvi loahpaheapmi sáhhtá dušše mearriduvvot miellahttojenastemiin. Váldostivra lea geatnegahtton oažžut áigái dákkár jienasteami jus 1/4 oassi miellahtuin gáibidit dan. Searvi ii sáhte loahpahuvvot jus 1/4 oassi jienasteddjiin oaivvildit searvvi galgat bissut. Loahpaheami oktavuodas opmodat manná girjerádjoulbmiliidda váldostivrra mearrádusa mielde. Searvvi vuorká galgá loahpaheami oktavuodas mannat Nationálagirjerádjui.

## **NOROGGA GIRJERÁDJOSEARVVI DÁRKKISTANLÁVDEGOTTI NJUOLGGADUSAT**

Searvvi riikačoahkkin mearridan miessemánu 30.b. 1986. Ođasmahtton miessemánu 26.b. 2020.

1. Riikačoahkkin galgá välljet dárkkistanlávdegotti, ja lávdegoddi galgá friija árvvoštallat Norgga girjerádjosearvvi doaimma. Dat galgá čállit dieđáhusa doaimma birra áigodagas. Dieđáhus galgá biddjot ovdan riikačoahkkimii.
2. Dárkkistanlávdegoddi galgá ollislaččat árvvoštallat váldostivrra mearrádusaid lágaid, doaibmaplána ja bušeahta vuodul.
3. Dárkkistanlávdegoddi galgá árvvoštallat barget go lávdegottit iežaset njuolggadusaid ja addon fápmudusaid mielde.
4. Dárkkistanlávdegoddi galgá prinsihpalaš áššiin addit cealkámuša jus váldostivra, jođiheaddji dahje váldočáli dáhttot dan.
5. Dárkkistanlávdegoddi galgá oažžut áššebáhpáriid, rehketoallobajilgovaid ja eará dokumeanttaid mat leat dárbbaslaččat vai sáhttá árvvoštallat buot beliid searvvi doaimmas.
6. Dárkkistanlávdegoddi gohččojuvvo čoahkkimii jus dan jođiheaddji dahje unnimus guokte miellahtu oaivvildit dan leat bákkolašžan dahje go váldostivra bivdá dan.
7. Dáid njuolggadusaid rievdadusaid sáhttá dušše Norgga girjerádjosearvvi riikačoahkkin mearridit 2/3 eanetloguin.
8. Dát njuolggadusat fápmuibohitet 1986 riikačoahkkimis.

## **NOROGGA GIRJERÁDJOSEARVVI VÁLGALÁVDEGOTTI NJUOLGGADUSAT**

Searvvi riikačoahkkin mearridan miessemánu 10.b. 1980.

Ođasmahtton miessemánu 26.b. 1984, miessemánu 30.b. 1986, čakčamánu 24.b. 1988, geassemánu 4.b. 1994, cuoŋománu 8.b. 2000, njukčamánu 9.b. 2016, miessemánu 26.b. 2020 ja cuoŋománu 17.b. 2024.

1. Riikačoahkkin vällje válgalávdegotti váldostivrra evttohus mielde. Válgalávdegoddi galgá bargat njuolggadusaid mielde maid riikačoahkkin lea dohkkehan.
2. Čállingoddi bivdá válgalávdegotti vuodđudit iežas, sáddet bajilgova dálá váldostivrii ja geat leat válggas ja bidjat evttohanáigemeari, unnimustá 8 mánu ovdal riikačoahkkima.
3. Válgalávdegotti jođiheaddji gohčču čoahkkimiidda. Bargoáigi mearriduvvo ja dieđihuvvo čállingoddái
4. Válgalávdegottis lea ovddasvástádus dasa ahte váldostivrra buot luohttámušolbmot ožžot čálalaš dieđu leat go válggas vai eai. Lávdegoddi galgá almmuhit evttohusaid kandidáhtaide geat leat evttohuvvon váldostivrii ja dárkkistanlávdegoddái, ovdal go evttohusat almmuhuvvojit almmolaččat.
5. Válgalávdegottis lea ovddasvástádus viežžat kandidáhtaevttohusaid buot guoros luohttámušdoaimmaide Norgga girjerádjosearvvi regiovdnaserviin, fágajoavkkuin ja organisašuvnnain main leat miellahtut geat kollektiivvalaččat gullet Norgga girjerádjosearvái. Evttohanáigemearri galgá leat unnimustá 6 vahku.
6. Válgalávdegoddi galgá evttohit
  - a. Norgga girjerádjosearvvi jođiheaddji
  - b. 3 váldostivramiellahtu
  - c. 5 várrelahtu numeraláš vuoru mielde
  - d. Norgga girjerádjosearvvi nubbijođiheaddji
  - e. Dárkkistanlávdegotti jođiheaddji
  - f. Dárkkistanlávdegotti miellahtuid

Dárkkistanlávdegoddi ja válgalávdegoddi leat válggas juohke riikačoahkkimis. Unnimus bealli válgalávdegotti miellahtuin galget lonuhuvvot juohke válggas. Válgalávdegotti jođiheaddji sáhttá dušše okti ođđasit välljejuvvot.

7. Válgalávdegotti bargu lea evttohit ođđa miellahtuid váldostivrii. Jođiheaddji välljejuvvo friija, muhto nubbijođiheaddji evttohuvvo 6 váldostivramiellahtu gaskkas.
8. Dáid njuolggadusaid rievdadusaid sáhttá dušše riikačoahkkin evttohit 2/3 eanetloguin.